

(վարչական տույժ նշանակելու վերաբերյալ)

«23» մարտի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Հայկ Միրզոյանս, քննելով քաղաքացի Կորյուն Գասպարի Մխիթարյանի (անձնագիր՝ AP0216900, տրված 003-ի կողմից 05.03.2014 թվականին, ծնված՝ 28.11.1997թ., հասցե՝ ք. Երևան, Ֆրունզեի փ., 162., բն. 32) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

1. Գործի նկարագրությունը:

ՀՀ քաղաքացի Արտակ Թովմասյանի անվամբ 19.09.2019 թվականին թիվ 05100033/190919/0000508747 մաքսային մուտքի օրդերով ժամանակավոր Հայաստանի Հանրապետություն է ներմուծվել «ROLLS-ROYCE-SHADOW» մակնիշի, SRH14570 նույնականացման համարի, AA001RR պետհամարանիշի, 1973 թվականի արտադրության տրանսպորտային միջոց, որի ներմուծման վերջնաժամկետը սահմանվել է մինչև 18.09.2020 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

2. Սույն վարչական գործի քննության համար նշանակություն ունեցող փաստեր:

1. 19.09.2019 թվականին թիվ 05100033/190919/0000508747 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «ROLLS-ROYCE-SHADOW» մակնիշի, SRH14570 նույնականացման համարի, AA001RR պետհամարանիշի, 1973 թվականի արտադրության տրանսպորտային միջոց:

2. ՀՀ ՊԵԿ Ներքին անվտանգության վարչությունից ստացված սահմանահատումների պատմություն:
3. 19.09.2019 թվականին թիվ 05100033/190919/0000508747 մաքսային մուտքի օրդերով Հայաստանի Հանրապետություն ժամանակավոր ներմուծված տրանսպորտային միջոցը՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում՝ միասնական դրույքաչափերով գանձվող մաքսատուրքերը, հարկերը կկազմեն՝ 22,122,356 ՀՀ դրամ և բնապահպանական հարկի գումար՝ 2,257,093 ՀՀ դրամ:
4. 06.03.2023 թվականին Կորյուն Մխիթարյանի նկատմամբ կազմված մաքսային կանոնների խախտման վերաբերյալ արձանագրություն:
5. 2023 թվականի մարտի 16-ին ժամը 14:45-ին նշանակված վարչական գործի վարույթին մասնակցելու և 2023 թվականի մարտի 23-ին ժամը 14:45-ին գործի քննությանը մասնակցելու վերաբերյալ ծանուցագիր, վարույթի մասնակցի կողմից ծանուցագիրը ստանալու վերաբերյալ ապացույց:
6. 2023 թվականի մարտի 16-ին նշանակված վարչական գործի վարույթին ներկայացել և մասնակցել է Կորյուն Մխիթարյանի ներկայացուցիչ Արսեն Սախոյանը /փաստաբանական գործունեության արտոնագիր թիվ 3051, լիազորագիր՝ 13.03.2023թ./:

3. Նույն գործի փաստական և իրավական հիմնավորումները, վարչական մարմնի եզրահանգումները:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին մասի 3-րդ պարբերության համաձայն՝ «Անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով»:

Նույն հոդվածի 5-րդ մասի 1-ին պարբերության համաձայն՝ «Ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի

ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

Նույն Օրենսգրքի 260-րդ հոդվածի 14-րդ մասի 6-րդ կետի համաձայն՝ «Որպես անձնական օգտագործման ապրանքների հայտարարատուներ կարող են հանդես գալ 16 տարին լրացած՝ անդամ պետությունների ֆիզիկական անձինք կամ օտարերկրյա ֆիզիկական անձինք՝ որոնք Միության մաքսային սահմանով ուղևորվում են անձնական օգտագործման այն տրանսպորտային միջոցով, որը տիրապետման, օգտագործման և (կամ) տնօրինման իրավունքով պատկանում է իրենց, եթե այլ բան սահմանված չէ սույն գլխով»:

Իրավահարաբերության ծագման պահին գործող ՀՀ մաքսային օրենսգրքի 189-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կողմից կատարված անօրինական գործողությունը կամ անգործություն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն օրենսգրքի 199-րդ հոդվածի 1-ին մասի համաձայն՝ «Հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով

նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ»:

Ուսումնասիրելով սույն վարչական գործի նյութերում առկա ապացույցները, վարչական մարմինը հանգում է հետևյալ եզրակացության.

19.09.2019 թվականին ժամը 21:24 թույլին ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնով Հայաստանի Հանրապետություն է մուտք գործել «ROLLS-ROYCE-SHADOW» մակիշի, AA001RR պետհամարանիշի տրանսպորտային միջոց: Սահմանը հատելու ժամանակ որպես վարորդ հանդիսացել է ՀՀ քաղաքացի Կորյուն Մխիթարյանը: Նույն օրը ժամը 21:28 թույլին Արտակ Թովմասյանի անվամբ լրացվել է թիվ 05100033/191019/0000508747 մաքսային մուտքի օրդեր և ժամանակավոր ներմուծման վերջնաժամկետ սահմանվել է 18.09.2020 թվականը: 18.09.2020 թվականին ժամը 01:06 թույլին «ՀՀ ԱՐՏԱՔԻՆ ԱՌԵՎՏՐԻ ԱԶԳԱՅԻՆ ՄԵԿ ՊԱՏՈՒՀԱՆ» կայքում թիվ 05100033/191019/0000508747 մաքսային մուտքի օրդերին տրվել է «Փակված» կարգավիճակ՝ փակման հիմքը՝ «Ելք»:

Հետազոտելով «ՀՀ ԱՐՏԱՔԻՆ ԱՌԵՎՏՐԻ ԱԶԳԱՅԻՆ ՄԵԿ ՊԱՏՈՒՀԱՆ» կայքը և «ROLLS-ROYCE-SHADOW» մակնիշի, SRH14570 նույնականացման համարի, AA001RR պետհամարանիշի, 1973 թվականի արտադրության տրանսպորտային միջոցի սահմանահատումների պատմությունը վարչական մարմինը փաստում է, որ վերը նշված տրանսպորտային միջոցը **մուտք է գործել Հայաստանի Հանրապետություն 18.09.2019 թվականին ժամը 21:28** թույլին Կորյուն Մխիթարյանի կողմից և մինչ օրս գտնվում է Հայաստանի Հանրապետությունում: Սակայն տարբեր ժամանակահատվածներում «ROLLS-ROYCE-SHADOW» մակնիշի, SRH14570 նույնականացման համարի, AA001RR պետհամարանիշի, 1973 թվականի արտադրության տրանսպորտային միջոցի վերաբերյալ լրացվել են մաքսային մուտքի օրդերներ և յուրաքանչյուր մաքսային մուտքի օրդերի լրացման ժամանակ նախորդ լրացված մաքսային մուտքի օրդերին տրվել է «Փակված» կարգավիճակ՝ առանց Հայաստանի Հանրապետությունից տրանսպորտային միջոցի փաստացի ելքի:

Վարչական մարմինը հարկ է համարում նշել նաև այն փաստը, որ յուրաքանչյուր լրացված մաքսային մուտքի օրդերների դեպքով /24.12.2020թ., 29.11.2021թ. և 17.11.2022թ./՝ ոչ

միայն վերը նշված տրանսպորտային միջոցը սահմանը չի հատել, այլ նաև հայտարարատու հանդիսացած անձինք, մաքսային մուտքի օրդերի լրացման օրը Բագրատաշենի մաքսային կետ-բաժնով սահմանը չեն հատել և առհասարակ չունեն սահմանահատում նշված կետ-բաժնով:

Ինչ վերաբերվում է վարչական գործի վարույթի ընթացքում Կորյուն Մխիթարյանի ներկայացուցիչ Արսեն Սախոյանի կողմից բացատրությամբ ներկայացված այն հանգամանքին, որ Կորյուն Մխիթարյանի վերաբերյալ հարուցված վարչական վարույթը նախաձեռնվել է անհիմն, քանի որ մաքսային որևէ իրավախախտում սույն դեպքով առկա չէ, ապա վարչական մարմինն առարկայազուրկ է համարում առանձին անդրադառնալ սույնին, քանի որ վերը շարադրված իրավական և փաստական հանգամանքներով պայմանավորված՝ արդեն իսկ մանրամասն նշվել է իրավախախտում կատարված լինելու փաստերը և հանգամանքները:

Վերոնշյալ իրավակարգավորումների հաշվառմամբ, գործում առկա ապացույցների և «ՀՀ ԱՐՏԱՔԻՆ ԱՌԵՎՏՐԻ ԱԶԳԱՅԻՆ ՄԵԿ ՊԱՏՈՒՀԱՆ» կայքի ուսումնասիրության արդյունքների համակցությամբ վարչական մարմինը գտնում է, որ Կորյուն Մխիթարյանի գործողություններում առկա են իրավահարաբերության ծագման պահին գործող ՀՀ Մաքսային օրենսգրքի 199-րդ հոդվածի հատկանիշներ:

4. Եզրափակիչ մաս:

Ելնելով վերոգրյալից, ղեկավարվելով իրավահարաբերության ծագման պահին գործող ՀՀ Մաքսային օրենսգրքի 199-րդ, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. Իրավահարաբերության ծագման պահին գործող ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Կորյուն Գասպարի Մխիթարյանին ենթարկել վարչական պատասխանատվության՝ տուգանելով՝ 12,189,725 ՀՀ դրամի չափով:

2. Որոշման մասին հայտնել Կորյուն Մխիթարյանին:

3. Պարզաբանել, որ իրավահարաբերության ծագման պահին գործող ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում և կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձի կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվահամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ

ՎԱՐՉՈՒԹՅԱՆ ՊԵՏ՝

ՀԱՅԿ ՄԻՐԶՈՅԱՆ